

I gatti de San Nichioso

Gatti che ammiān i pesci in to mâ,
a-a Foxe, co-e sampe in sce-i schêuggi,
gatti che zêugan co-a cōa de ‘na grigoa,
gatti che t’ammīan drito in ti êuggi,

gatti che no se fan piggiâ in gïo,
gatti che quande ciêuve no ti-i veddi ciù,
ma quande o ramaddan in to çê o l’è finïo
sciortan comme da-e nûvie sciorte o sô,

gatti che gïan in sce-i erboi e carasse,
gatti che dorman tra ræ e nasse,
gatti accoegæ a l’ombra de ‘na gëxa antiga,
gatti che piggiâ ûn ratto òua a l’è fadiga,

gatti ascosi in ta lûxe tra e fasce e o mâ,
‘na vitta sotta a o sô e ûn çê ch’o sa de sâ,
e anche o tempo o pâ ûn gatto ch’o t’ammīa,
êuggi donde ti te spëgi e intanto o l’è zà andæto via,

gatti che te veddan anche quande l’è scûo,
gatti con ûnn-a famme vëgia che han imparôu,
tra i foresti che van avanti e inderrê,
a sentî arrivà o passo do pescôu,

gatti che non han puia manco do lô,
gatti de San Nichioso tra i erxi e o sô,
gatti comme a gente che ghe stava lazzù,
gatti de San Nichioso che ormai no ghe n’è ciù.

I gatti di San Nicolò ⁽¹⁾

Gatti che guardano i pesci nel mare,
alla Foce con le zampe sugli scogli,
gatti che giocano con la coda di una lucertola,
gatti che ti guardano dritto negli occhi,

gatti che non si fanno prendere in giro,
gatti che quando piove non li vedi più,
ma quando il temporale nel cielo è finito,
escono come dalle nuvole esce il sole,

gatti che girano sopra alberi e pergolati,
gatti che dormono tra reti e nasse,
gatti distesi all’ombra di una chiesa antica,
gatti che prendere un topo ora è fatica,

gatti nascosti nella luce, tra le fasce e il mare,
una vita sotto il sole e un cielo che sa di sale,
e anche il tempo sembra un gatto che ti guarda,
occhi dove ti specchi e intanto lui è già andato via,

gatti che ti vedono anche quando è buio,
gatti con una fame antica che hanno imparato,
tra i turisti che vanno avanti e indietro,
a sentire arrivare il passo del pescatore,

gatti che non hanno paura neanche del lupo,
gatti di San Nicolò tra i lecci e il sole,
gatti come la gente che abitava laggiù,
gatti di San Nicolò che ormai non ce ne sono più.

Nota 1 San Nicolò di Capodimonte in Comune di Camogli,
un borgo di poche case strette attorno alla sua chiesa
millenaria, un tempo abitato da contadini-pescatori e dalle
loro famiglie ed oggi quasi deserto.

[Se vuoi ascoltare il brano clicca qui](#)